



Bosnia and Herzegovina  
Federation of Bosnia and Herzegovina

**CANTON SARAJEVO**  
Government

## **Tim Vlade Kantona Sarajevo za borbu protiv korupcije**

Broj: 02-05-14263/19  
Sarajevo, 01.04.2019.godine

**SKUPŠTINA KANTONA SARAJEVO**  
Predsjedavajući Skupštine, Elmedin Konaković

### **Predmet: Odgovor na zastupničko pitanje**

Na Petoj radnoj sjednici Skupštine Kantona Sarajevo, održanoj 27.02.2019. godine, zastupnik u Skupštini Kantona, Zvonko Marić postavio je slijedeće zastupničko pitanje:

1. Ko su članovi Tima za borbu protiv korupcije KS, njihovo formalno obrazovanje;
2. Podatke o stalnom zaposlenju svakog člana Tima za borbu protiv korupcije kao i visinu njihovih plata izraženih u KM, koje primaju na "ruke", uključujući topli obrok i regres, a sve to izraženo u KM, a ne u koeficijentima i procentima;
3. Podatke o članstvu u upravnim, nadzornim odborima, te skupštinama javnih ili bilo kojih drugih preduzeća, kao i informacija o visini naknada koje su primali za te poslove;
4. Podatke o članstvu u komisijama koje se finansiraju iz budžeta KS, kao i informacija o visini naknada koje su primali za te poslove;
5. Podatke o novčanim donacijama političkim strankama svakog člana Tima za borbu protiv korupcije KS u toku čitavog perioda članstva u Timu;
6. Podatke o članstvu u bilo kojoj političkoj partiji;
7. Podatke o visini naknade ili plate koju primaju kao članovi Tima.

### **Odgovori na zastupničko pitanje:**

Vlada Kantona Sarajevo na sjednici održanoj 15.10.2015. godine, donijela je Zaključak broj: 02 05-27128-4.1/15, od 15.10.2015. godine, kojim je usvojila Akcioni plan za borbu protiv korupcije Vlade Kantona Sarajevo 2015-2019.

Na istoj sjednici, Vlada Kantona Sarajevo donijela je i Rješenje o imenovanju Tima, a finansijska sredstva na ime mjesečnih naknada, za članove Tima, svake godine se odobravaju Zaključkom Vlade Kantona Sarajevo.



Prilikom odabira članova Tima, vodilo se računa o ličnom integritetu svakog člana, o pojedinačnim i kolektivnim kompetencijama, o tome da članovi budu eksperti iz različitih oblasti koje su značajne u borbi protiv korupcije, a što je propisano u Akcionom planu. Tako je Tim sastavljen od predstavnika različitih institucija Kantona Sarajevo – šef Ureda za borbu protiv korupcije i upravljanje kvalitetom Kantona Sarajevo (predsjednik Tima), zastupnik u Skupštini Kantona Sarajevo (član), uposlenik Ministarstva finansija Kantona Sarajevo – budžetski inspektor (član), uposlenik u Zavodu zdravstvenog osiguranja Kantona Sarajevo – glavni interni revizor, uposlenik Federalne uprave policije MUP-a FBiH – samostalni inspektor, uposlenik Ministarstva unutrašnjih poslova Kantona Sarajevo – inspektor za privredni kriminal i interni revizor (član), profesor na Fakultetu za kriminalistiku, kriminologiju i sigurnosne studije UNSA (član) i uposlenik Ministarstva pravde i uprave – pomoćnik ministra (član).

U nastavku teksta su odgovori članova Tima Vlade Kantona Sarajevo za borbu protiv korupcije (u daljem tekstu:Tim) na postavljeno zastupničko pitanje:

### **Erduan Kafedžić – predsjednik Tima**

1. Erduan Kafedžić, doktor nauka (doktorirao na Filozofskom fakultetu u Sarajevu, Univerzitet u Sarajevu). Obuke i usavršavanja iz oblasti borbe protiv korupcije završio u Velikoj Britaniji, Austriji, Italiji i Sloveniji. Na listi eksperata Organization for security and co-operation iz oblasti borbe protiv korupcije. Trener EU iz oblasti borbe protiv korupcije.
2. Radno mjesto: Šef Ureda za borbu protiv korupcije i upravljanje kvalitetom Kantona Sarajevo.

Osnovna plaća se utvrđuje množenjem osnovice za plaću, koja u 2019. godini iznosi 315 KM, sa koeficijentom platnog razreda koji iznosi 6,20 što iznosi 1953,00 KM i ovaj iznos uvećava se za 0,6% za svaku godinu penzijskog staža, tako da neto plata za 2/2019 iznosi ukupno 2.035,63 KM. Visina naknade za ishranu (topli obrok) obračunava se u iznosu od 1% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku, tj. oko 8 KM dnevno (za 2/2019 topli obrok iznosio je 182,80 KM). Ukupno za februar 2019.god= 2.218,43 KM

Visina regresa utvrđuje se u iznosu od 50% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku, odnosno oko 441 KM, kao i za sve državne službenike i namještenike.

Članom 79. stav 4. Zakona o radu (“Službene novine Federacije BiH” br. 26/16 i 89/18) propisano je da „Pojedinačne isplate plaća nisu javne”.

3. Nije član upravnog, nadzornog odbora, niti skupštine bilo kakvog privrednog društva ili ustanove.
4. Nije član komisije.
5. Nije član političke partije, niti je davalac novčanih donacija političkim strankama.
6. Nije član političke partije.
7. Mjesečna naknada predsjednika Tima iznosi 400,00 KM, a ista je utvrđena aktom Vlade Kantona Sarajevo.

### **Elvedin Okerić – član Tima**

1. Elvedin Okerić, dipl. kriminalist, član Tima, od oktobra 2015. godine.
2. Zastupnik u Skupštini Kantona Sarajevo.  
Visina plaće: prema platnoj listi za februar 2019. godine visina neto plaće iznosi 2.783,81



KM

Struktura neto plaće:

osnovna plaća (osnovni koef. x osnovica=8,1 x 315,00 KM=2.551,50 KM

uz uvećanja za minuli rad (2/2019) neto plaća iznosi 2.601.01 KM

visina toplog obroka za februar 2019. godine = 182,80 KM

UKUPNO za februar 2019.god= 2.783,81 KM

3. Nije član upravnog, nadzornog odbora niti skupštine bilo kakvog privrednog društva ili ustanove.
4. Predsjednik skupštinske Komisije za sigurnost.
5. Stranci *Narod i Pravda* u 2018.godini uplatio donaciju u iznosu od 2.000,00 KM.
6. Potpredsjednik političke organizacije *Narod i Pravda*.
7. Mjesečna naknada člana Tima iznosi 300,00 KM, a ista je utvrđena aktom Vlade Kantona Sarajevo.

### **Muamer Kosovac – član Tima**

1. Muamer Kosovac, magistar ekonomskih nauka, sa završenim magisterijem po starom programu na Ekonomskom fakultetu u Sarajevu, certificirani interni revizor, ekspert za eksternu ocjenu kvaliteta rada interne revizije po standardima IIA Global, certificirani trener iz oblasti borbe protiv korupcije sa nizom (više od 20 stručnih međunarodnih edukacija iz oblasti finansija, finansijskog upravljanja i kontrole, edukacija koje se odnose na istrage i procesuiranje počinioca KD privrednog kriminala i korupcije, uspostavljanja efikasnog sistema internih kontrola u organizacijama, te međunarodnih akademija za sprovođenje zakona).
2. Trenutno zaposlen u Zavodu zdravstvenog osiguranja KS na poziciji Rukovodioca interne revizije - Glavni interni revizor sa ukupno 26 godina staža, od čega 15 godina staža u MUP-u KS na Odjelu za privredni kriminalitet na poziciji Rukovodioca antikorupcionog tima MUP-a KS.  
Trenutna plaća iznosi 2.286KM. Visina naknade za ishranu (topli obrok) obračunava se u iznosu od 1% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku, tj. oko 8 KM dnevno. Iznos regresa se doznava jednokratno godišnje u iznosu od 400KM.  
Imenovan je za predsjednika etičkog komiteta (Institut u okviru instituta internih revizora svijeta IIA Global) pri Institutu internih revizora BIH, bez naknade.
3. Nije član upravnog, nadzornog odbora, niti skupštine bilo kakvog privrednog društva ili ustanove.
4. Nije član komisije.
5. Nije član političke partije, niti je davalac novčanih donacija političkim strankama.
6. Nije član političke partije.
7. Mjesečna naknada člana Tima iznosi 300,00 KM, a ista je utvrđena aktom Vlade Kantona Sarajevo.

### **Nermin Šehović – član Tima**

1. Nermin Šehović, dipl.iur, magistar pravnih nauka i specijalista iz oblasti krivičnog prava, navedene stručne i naučne stepene, imenovani je stekao na Univerzitetu u Sarajevu, Pravni



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1



- fakultet u Sarajevu. Završio više domaćih i međunarodnih obuka visokog nivoa među kojima su: International Law Enforcement Academy – FBI; Critical Incident Management Course; Law Enforcement Officer Programme on Combating Hate Crime; Officer Survival/se of Force Train-The-Trainer Course; Crime Scene Management; ATA 10811 Instructor Development Course – United States Department of Justice; UNDERCOVER INFORMATION SEMINAR – RCMP; European Convention on Human Rights; Bundeskriminalamt “Finazermittlungen – Geldwashe/FIU; Interpol - “FRONTEX ADESVET”; Policijska suradnja u oblasti organizovanog kriminaliteta; Međunarodna saradnja u istragama organizovanog kriminala i Kriminalističko – obavještajni rad.
2. Uposlenik Federalne uprave policije MUP-a FBiH, Trenerski ured Sarajevo, samostalni inspektor. Plaća za januar 2019. godine iznosila je NETO: 2.263,71 KM (koeficijent 4,90, dodatak 1,960, ukupni koeficijent 6, 860, osnovica za obračun 315,00, vrijednost boda 1,00). Topli obrok: 8 KM dnevno, regres za 2018. godinu iznosio je 440,50 KM.
  3. Nije član upravnog, nadzornog odbora, niti skupštine bilo kakvog privrednog društva ili ustanove.
  4. Nije član komisije.
  5. Nije član političke partije, niti je davalac novčanih donacija političkim strankama.
  6. Nije član političke partije.
  7. Mjesečna naknada člana Tima iznosi 300,00 KM, a ista je utvrđena aktom Vlade Kantona Sarajevo.

#### **Darko Datzer – član Tima**

1. Darko Datzer, dr. sc., podaci o obrazovanju:  
**1998-2003**  
Fakultet kriminalističkih nauka, Univerzitet u Sarajevu, BiH (preddiplomski studij);  
**2005-2007**  
Poslijediplomski studij Kriminologija, kriminalistika i krivično pravosuđe u kontekstu evropske sigurnosti. Magistarski rad Korupcija i integritet policijskih službenika u Bosni i Hercegovini obranjen na Fakultetu kriminalističkih nauka, Univerzitet u Sarajevu, BiH  
**2007-2011**  
Doktorska disertacija *Otkrivanje i dokazivanje kaznenih djela primanja i davanja dara i drugih oblika koristi*, obranjena na Fakultetu za kriminalistiku, kriminologiju i sigurnosne studije, Univerzitet u Sarajevu, BiH
2. Vanredni profesor na oblasti *Kriminologija*, Fakultet za kriminalistiku, kriminologiju i sigurnosne studije, Univerzitet u Sarajevu. Obračun plaća akademskoga osoblja Univerziteta u Sarajevu vrši se prema Jedinstvenom Pravilniku o plaćama i naknadama.  
**Napomena: član Tima nije dostavio podatke o plaći, uz obrazloženje da, prema čl. 6. navedenog akta, podaci o pojedinačnim isplatama plaće nisu javni.**
3. Nije član upravnog, nadzornog odbora, niti skupštine bilo kakvog privrednog društva ili ustanove.
4. Nije član komisije.
5. Nije član političke partije, niti je davalac novčanih donacija političkim strankama.
6. Nije član političke partije.
7. Mjesečna naknada člana Tima iznosi 300,00 KM, a ista je utvrđena aktom Vlade Kantona Sarajevo.



### **Dževad Paradžik – član Tima**

1. Dževad Paradžik, član Tima, dipl.ekonomista
2. Uposlen u Ministarstvu finansija Kantona Sarajevo, budžetski inspektor.  
Visina plaće - prema platnoj listi za februar 2019. godine dostavljena je sljedeća struktura neto plaće:  
osnovna plaća, uz uračunati minuli staž i inspektorski dodatak na plaću iznosi 2.004,42 KM  
Visina toplog obroka za februar 2019. godine iznosi 182,80 KM  
UKUPNO 2.187,22 KM  
Visina regresa za 2019. godinu nije još isplaćena.
3. Nije član upravnog, nadzornog odbora, niti skupštine bilo kakvog privrednog društva ili ustanove.
4. Nije član nijedne komisije koja se finansira iz Budžeta Kantona Sarajevo.
5. Nije član ni u jednoj političkoj stranci (partiji), niti je davalac novčanih donacija političkim strankama.
6. Nije član ni u jednoj političkoj partiji.
7. Mjesečna naknada člana Tima iznosi 300,00 KM, a ista je utvrđena aktom Vlade Kantona Sarajevo.

### **Hasan Zemanić – član Tima**

1. Hasan Zemanić je diplomirani pravnik sa položenim pravosudnim ispitom.
2. U skladu sa odredbama Pravilnika o unutrašnjoj organizaciji Ministarstva pravde i uprave Kantona Sarajevo, Hasan Zemanić je postavljen na sistematizovano radno mjesto - pomoćnik ministra za upravu. Plaću i naknade ostvaruje u skladu sa odredbama Zakona o plaćama i naknadama u organima vlasti Kantona Sarajevo ("Službene novine Kantona Sarajevo" broj 5/19). Osnovna plaća se utvrđuje množenjem osnovice za plaću, koja u 2019. godini iznosi 315 KM, sa koeficijentom platnog razreda koji iznosi 5,70, što iznosi 1795,00 KM i ovaj iznos uvećava se za 0,6% za svaku godinu penzijskog staža. Visina naknade za ishranu (topli obrok) obračunava se u iznosu od 1% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku, tj. oko 8 KM dnevno.  
Visina regresa utvrđuje se u iznosu od 50% prosječne neto plaće isplaćene u Federaciji Bosne i Hercegovine po zadnjem objavljenom statističkom podatku, odnosno oko 441 KM, kao i za sve državne službenike i namještenike.  
Članom 79. stav 4. Zakona o radu ("Službene novine Federacije BiH" br. 26/16 i 89/18) propisano je da „Pojedinačne isplate plaća nisu javne”.
3. Hasan Zemanić nije član u upravnim, nadzornim odborima, te skupštinama javnih ili bilo kojih drugih preduzeća.
4. U skladu sa članom 31. stav 2. Zakona o namještenicima u organima državne službe u Federaciji BiH ("Službene novine Federacije BiH" broj 49/05), Rješenjem ministra pravde i uprave Kantona Sarajevo, Hasan Zemanić imenovan je u Komisiju za polaganje stručnog ispita za namještenike srednje školske spreme iz općinskih i gradskih organa državne službe, na period od dvije godine. Naknada članovima navedene komisije utvrđena je Pravilnikom o sadržaju i načinu polaganja stručnog ispita namještenika u organima državne službe u



Federaciji BiH (“Službene novine Federacije BiH” broj 75/05), u visini od 55 KM po kandidatu koji pristupi ispitu, **a isplaćuje se iz sredstava koje uplate kandidati pricom odobravanja polaganja ispita.**

5. Nije član političke partije, niti je davalac novčanih donacija političkim strankama.
6. Nije član političke partije.
7. Mjesečna naknada člana Tima iznosi 300,00 KM, a ista je utvrđena aktom Vlade Kantona Sarajevo.

#### **Admir Nezirević – član Tima**

1. Admir Nezirević, član Tima od novembra 2017. godine, dipl.kriminalist, specijalista iz oblasti krivičnog prava (dodiplomski studij završio na Fakultetu kriminalističkih nauka u Sarajevu 2002.godine i postdiplomski specijalistički studij završio na Pravnom fakultetu u Sarajevu 2012. godine).
2. Zaposlen u Upravi policije MUP-a Kantona Sarajevo, trenutno na mjestu istražitelja u čin “inspektor” na Odjeljenju za privredni kriminal, te rukovodilac Operativnog tima za istrage slučajeva korupcije u Upravi policije MUP-a KS. Primanja policijskog službenika su vezana za čin i ista su za policijskog službenika za čin “inspektor” sa uvećanjima od 30% po osnovu uslova rada, minulim radom i topilim obrokom tokom 2018. godine iznosila cca 1.850.00 KM, mjesečno.
3. Nije član upravnog, nadzornog odbora, niti skupštine bilo kakvog privrednog društva ili ustanove.
4. Nije član komisije.
5. Nije član političke partije, niti je davalac novčanih donacija političkim strankama.
6. Nije član političke partije
7. Mjesečna naknada člana Tima iznosi 300,00 KM, a ista je utvrđena aktom Vlade Kantona Sarajevo.

S poštovanjem

**Predsjednik Tima**

**Erduan Kafedžić**

Dostaviti:

- Naslovu
- Sekretar SKS
- Sekretar Vlade KS
- a/a



web: <http://vlada.ks.gov.ba>  
e-mail: [vlada@vlada.ks.gov.ba](mailto:vlada@vlada.ks.gov.ba)  
Tel: + 387(0)33 562-068, 562-070  
Fax: + 387(0)33 562-211  
Sarajevo, Reisa Džemaludina Čauševića 1

